

# STJÓRNARTÍÐINDI B 110 – 1999

Nr. 817

2530

24. nóvember 1999

## SKIPULAGSSKRÁ

fyrir sjálfsagnarstofnunina Vesturfarasetrið.

1. gr.

*Stofnendur.*

Valgeir Þorvaldsson, kt. 020760-5919, stofnar hér með sjálfsagnarstofnunina Vesturfarasetrið.

2. gr.

*Framlag stofnenda.*

Stofnfé er 500.000 kr. sem lagt er fram af stofnanda. Stofnféð er óskerðanlegur höfuðstóll sem ávaxta skal með tryggilegum hætti.

3. gr.

*Heimili.*

Heimilisfang og varnarþing sjálfsagnarstofnunarinnar er Vesturfarasetrið á Hofsósi.

4. gr.

*Ábyrgð.*

Stofnunin ber ábyrgð á skuldbindingum sínum með öllum eignum sínum. Hún er óháð öllum öðrum lögaðilum og einstaklingum.

5. gr.

*Tilgangur og starfsemi.*

Megintilgangur stofnunarinnar er að auka þekkingu Íslendinga á sögu Vesturfaranna með það að markmiði að koma á auknum samskiptum milli Íslands og Norður-Ameríku og að efla rannsóknir á sviði ættfræði og menningar. Þessum tilgangi verður meðal annars náð með því:

- a) að annast samninga og samskipti við Íslendingafélögin í Norður-Ameríku.
- b) að stuðla að auknum samskiptum á sviði menningar og lista.
- c) að annast samninga og samskipti við ríkisvaldið vegna áframhaldandi uppbyggingar gamla þorpskjarnans á Hofsósi.

6. gr.

*Stjórn.*

Stjórn stofnunarinnar skal skipuð þremur mönnum og einum til vara. Stjórnina skipa þeir Ólafur B. Thors, Hagamel 6, Reykjavík, Baldur Valgeirsson, Brekkubýggð 10, Blönduósi, og Valgeir Þorvaldsson, Vatni, Skagafirði. Stjórnarmenn sitja ótímabundið í stjórninni, en segi þeir sig úr stjórn eða varastjórn skulu þeir tilnefna nýjan mann í sinn stað. Hverfi menn úr stjórn eða varastjórn án þess að tilnefna mann í sinn stað skulu þeir sem eftir sitja tilnefna nýjan stjórnarmann. Varamaður í stjórn er Anton Jónsson, Heiðarbrún 11, Keflavík, og tekur hann sæti í aðalstjórn í forföllum aðalmanna. Ákvarðanir stjórnar eru teknar með meirihluta atkvæða. Stjórnarmenn fá hvorki greidd laun né þóknun í neinu formi fyrir venjuleg stjórnarstörf.

## 7. gr.

*Starfssvið stjórnar.*

Stjórnin skal framfylgja meginmarkmiðum stofnskrár þessarar og einstökum ákvæðum hennar. Hún skal taka allar meiriháttar ákvarðanir á vegum stofnunarinnar. Stjórnin ákveður m.a. stefnu stofnunarinnar almennt og í einstökum málefnum, sér um bókhald og gerir rekstraráætlanir.

## 8. gr.

*Stjórnarfundir.*

Boða skal til stjórnarfunda með tryggilegum hætti. Enga mikilvæga ákvörðun má taka fyrir hönd stofnunarinnar nema stjórnin sé fullskipuð. Stjórnarmaður má ekki taka þátt í meðferð einstaks máls ef það málefni sem fyrir liggur til ákvörðunar skiptir hann verulegu máli fjárhagslega eða siðferðislega. Aðalatriði þess sem fram fer á stjórnarfundum skal færa til bókar.

## 9. gr.

*Skyldur stjórnar.*

Stjórnin er að öllu leyti óháð boðvaldi stofnenda eða annarra aðila. Árlega og ávallt samkvæmt sérstakri beiðni skal hún gefa stjórn Vesturfarasjóðsins skýrslu um starfsemi sína og svara þeim fyrirspurnum sem að henni er beint eftir því sem unnt er.

## 10. gr.

*Fjáröflun.*

Stofnunin veitir viðtöku styrkjum og öðrum fjárframlögum til starfsemi sinnar. Henni er heimilt að taka lán til sérstakra verkefna.

## 11. gr.

*Ráðstöfun eigna.*

Stjórnin má ráðstafa tekjum og eignum stofnunarinnar, öðrum en óskerðanlegum höfuðstól, til Vesturfarasetursins og til málefna sem tengjast megintilgangi stofnunarinnar, sbr. 5. gr.

Fasteignir stofnunarinnar má eigi selja eða veðsetja, nema að fengnu samþykki dómsmálaráðherra.

## 12. gr.

*Breyting á skipulagsskrá.*

Heimilt er að breyta skipulagsskrá þessari ef tveir af þremur stjórnarmönnum ákveða það.

## 13. gr.

*Slit stofnunarinnar.*

Stofnuninni verður slitið ef tveir stjórnarmenn ákveða það. Leita skal samþykkis dómsmálaráðuneytis fyrir slitum.

Eignir hennar skulu þá renna til Minningarsjóðs Vesturfara, sem og nafn sjálfseignarstofnunarinnar.

## 14. gr.

*Reikningar.*

Stjórn sjálfseignarstofnunarinnar skal ganga frá reikningum stofnunarinnar fyrir 1. júní ár hvert. Þeir skulu endurskoðaðir af löggiltum endurskoðanda sem stjórn stofnunarinnar ræður til eins árs í senn.

## 15. gr.

*Reikningshald.*

Um reikningshald fer eftir lögum nr. 19/1988 um sjóði og stofnanir sem starfa samkvæmt staðfestri skipulagsskrá.

## 16. gr.

*Breyting á formi.*

Meirihluti stjórnar stofnunarinnar getur ákveðið að breyta formi hennar þannig að sjálfseignarstofnuninni sé heimilt að stunda rekstur samkvæmt lögum nr. 33/1999, og gera nauðsynlegar breytingar á stofnskrá þessari svo hún uppfylli ákvæði þeirra laga.

## 17. gr.

*Staðfesting.*

Leita skal eftir staðfestingu dómsmálaráðherra á skipulagsskrá þessari.

Skipulagsskrá þessi staðfestist hér með samkvæmt lögum um sjóði og stofnanir sem starfa samkvæmt staðfestri skipulagsskrá, nr. 19/1988.

*Dóms- og kirkjumálaráðuneytinu, 24. nóvember 1999.*

F. h. r.

**Björn Friðfinnsson.**

\_\_\_\_\_  
*Fanney Óskarsdóttir.*

## AUGLÝSING

### um starfsreglur kirkjuþings um breytingu á starfsreglum um skipan sókna, prestakalla og prófastsdæma nr. 731/1998.

#### „STARFSREGLUR

um breytingu á starfsreglum um skipan sókna,  
prestakalla og prófastsdæma nr. 731/1998.

## 1. gr.

Seinni mgr. 1. gr. starfsreglnanna orðist svo:  
Sóknir landsins eru tilgreindar í 12. gr. starfsreglna þessara.

## 2. gr.

Við starfsreglurnar bætist nýtt ákvæði 12. gr. svohljóðandi:  
Skipan prófastsdæma, prestakalla, sókna og prestssetra skal vera sem hér segir: